



Forum Ecclesiasticum

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 964. An & quando ob effusionem sanguinis polluantur Ecclesiæ & cæmeteria.

[urn:nbn:de:hbz:466:1-73957](https://nbn-resolving.org/urn:nbn:de:hbz:466:1-73957)

ram hominis personaliter & nominatim interdicti, ita ut egeat reconciliatione, etsi alias excommunicatio & interdictum æquiparentur juxta c. 1. de sent. excomm. in 6. & Gl. ibi *V. observari*. quin & talis in loco sacro sepeliri non debeat juxta c. 1. cui. eod. in 6. imò etiam ibi sepultus sit exhumandus, si corpus illius ab aliis discerni queat. juxta c. 28. dist. de consecrat. juncta Gl. *fui*. ex ea ratione, quòd de pollutione ex dicta ratione in jure nihil reperitur, & pœnæ sine textu juris induci aut extendi non debeant, neque æquiparatio in pœnali-bus locum habeat, & præsertim in hoc casu, dum excommunicatio multo gravior sit pœna, quam interdictum, & ita docent Suar. de relig. Tom. 1. tr. 2. l. 3. c. 2. n. 12. Delb. l. c. f. 5. n. 4. & 5. Pih. l. c. citatis Laym. L. 5. tr. 5. c. 5. n. 8. Zoëf. in comment. h. t. n. 11.

2. Secundò polluuntur Ecclesia & Cæmeterium per sepulturam hominis infidelis, & non baptizati adulti, ita cum communi Sylv. *V. consecratio* 2. n. 3. Azor. cit. c. 6. g. 1. Avil. de censur. p. 3. d. 7. du. 1. Pih. h. t. n. 14. Delb. cit. f. 6. n. 1. & sequent. citato de Lago, estque in hoc casu corpus pagani exhumandum, & foras projiciendum, quin & mundandam Ecclesiam per abrasionem patierum *vi can. Ecclesiam, de consecrat. dist. 1.* Volunt Sylv. & Azor. quod rectius negari videtur Abb. in c. 7. h. t. n. 4. cui inhære videntur Pih. n. 15. Delb. n. 7. & 8. & alii, qui id ipsum intelligi volunt de Ecclesia, necdum consecrata, utpote de qua loquatur *cit. c. Ecclesiam*; cum aliàs per illam abrasionem totalem tollatur consecratio, & sic necessaria sit nova consecratio, quod non sit per pollutionem. Per Catechumenorum verò sepul-turam in Ecclesia eam non polluit, communis est DD. sententia, ut ait Wiestn. h. t. n. 33. cum etsi nondum per Baptismum ingressi Ecclesiam, nomine infidelium non veniunt, quia Religionem Christianam non deserunt, ut pagani & infideles, sed amplexantur. de Infantibus autem parentum infidelium sine baptismo mortuis non est par omnium sententia. & quidem in eo facillè conveniunt AA. supra citati; quòd adhuc in utero matris fidelis existentes moriantur, & sepeliantur in Ecclesia unà cum matre mortua, utpote cujus ventris & viscerum pars sunt, & cum qua unum corpus constituunt juxta L. 1. ff. de ventre *inspicendo*, non polluat per hoc Ecclesia, pollui tamen illam, si jam nati sine Baptismo mortui in ea sepeliantur, tenent Castrop. T. 11. d. unic. p. 1. n. 1. in fine. Delb. l. c. idemque sentire videtur Pih. h. t. n. 14. Contrarium tamen, nimirum quòd etsi ob defectum Baptismi in loco sacro sepeliri non soleant nec debeant, illis tamen ibidem sepulcris, is non non polluat, & reconciliari non egeat, tanquam benigniorem tenent Jordan. cit. 12. n. 121. Engels h. t. n. 4. quos citat & sequitur Wiestn. h. t. n. 32. & 33. ex ea etiam ratione, quòd fidem Christianam deserat non sicut, ut pagani, alique infideles, neque in se, neque in parentibus; imò horum voluntate ad Baptismum destinati. Neque contrarium sequatur ex eo, quòd in loco sacro sepeliendi non sint; cum etiam decedentes notoriè impœnitentes sacræ sepulcræ inferendi non sint juxta *can. quicumque* 13. q. 1. item seipfos occiden-tes, alique per leges prohibeantur sepeliri in loco sacro, absque eo tamen, quòd si in eo sepeliantur, is inde polluat.

R. P. Lenr. Jur. Can. Lib. III.

Quest. 964. An. & quando ob effusionem sanguinis polluantur Ecclesia & Cæmeteria?

1. Resp. Ob effusionem sanguinis copiosam, voluntariam, seu non fortuitam, injuriosam graviter pollui Ecclesiam & Cæmeterium, habet communis, pro ut hæc sumuntur ex c. 4. & c. ult. h. t. c. unic. eod. in 6. & can. Ecclesiam de consecrat. dist. 1. Intelligendumque id ipsum est, etiam si sanguis non effundatur in Ecclesia, aut incideret in pavementum, ut quia recipitur in vase aliquo seu linteo, vel quia percussus mox egreditur Ecclesiam modò causa effusionis data sit & consummata in Ecclesia, v. g. percussio vel vulnus inflictum in ea. Nav. in man. c. 27. n. 251. Avil. p. 5. d. 7. du. 1. De Lugo. de Eucharist. d. 20. f. 2. n. 52. Delb. de immunit. Eccl. c. 2. du. 2. f. 1. n. 2. Pih. h. t. n. 11. Wiestn. n. 41. idem est, si existens in Ecclesia vulneretur per scelopum ab existente extra Ecclesiam, quia jam causa effusionis consummatur intra Ecclesiam de Lug. Nav. Civil. Delb. LL. cit. sicut è contra non sufficit ad pollutionem Ecclesie effusio sanguinis facta in Ecclesia, si ejus causa consummata extra Ecclesiam, v. g. vulnerato extra eam recipiente se intra Ecclesiam, & ibi effundente sanguinem. AA. idem. Idem est, si quis vulneretur existens supra tectum, vel in spelunca infra eam (de quo paulò post pluribus) quia sic neque effusio sanguinis sit neque causa illius consummatur intra Ecclesiam.

2. Dicitur tamen primò, requiri, ut emittatur effusio sanguinis aliqua notabilis, pro ut ipsum nomen *effusionis* indicat, ita ut non sufficiat unius alteriusve guttæ effusio. Gl. in c. ult. h. t. in 6. Abb. in c. proposuisti eod. n. 3. Suar. cit. D. 81. f. 4. n. 2. Azor. p. 1. L. 10. c. 26. g. 13. Avil. de censur. l. 6. concl. 2. Delb. l. c. n. 41. & seq. Reginald. Tom. 2. L. 20. n. 181. Pih. l. c. multoque minus polluitur per contusionem aut vulnus grave, ex quo nullus sanguis profluit; etsi strangulatio, suspensio seu mors ipsa, de quo mox, pollutionem inducat Card. de Lug. l. c. n. 43. Suar. l. c. f. 4. & L. 5. & de relig. Tom. 1. c. 2. 3. Fagund. in 2. præcept. Eccl. L. 4. c. 4. n. 14. & 16. Delb. n. 45. & seq.

3. Dicitur secundò requiri, ut sit voluntaria, & non fortuita, unde si contingat v. g. ex lapide decidente ab amente, ebrio, alioque non compe rationis, à jocante, vel præter intentionem, non polluat Ecclesia. Gl. in cit. c. unic. h. t. in 6. *V. sanguinis*. Tolet. l. 5. c. 8. n. 1. De Lugo. Suar. Pih. LL. cit. Delb. n. 36. & c.

4. Dicitur tertio; ut sit graviter injuriosa & mortaliter peccaminosa, qualis quia non est, dum pueri inter se rixantur, & unus alteri pugno etiam copiosum ex naribus elicit sanguinem, ut de Lugo. n. 45. Delb. l. c. & c. secus tamen videtur in casu, quo majores 14. annis pugnant effusionem illam sanguinis ex naribus causant, cum percussio per alapam publica in Ecclesia ordinariè censetur graviter ignominiosa & peccaminosa, quod tamen ait Dian. p. 6. tr. 6. *resolut. 24.* quam sequitur Pih. h. t. n. 11. generaliter effusione sanguinis è naribus pugno causata non violari Ecclesiam, eò quod nares sint Organum, ex quo nimis facillè emittitur sanguis, Marc. Anton. *Var. resol. L. 1. resol. 112. cas. 6.* Barb. de potest. alleg. 28. n. 36. Reiffenst. h. t. n. 6. melius videntur rejicere; vel etiam pater vel magister causâ correctionis etiam leviter excedendo modò percuteret aut cederet puerum ad effusio.

T r r t 2

effusio.

effusionem etiam sanguinis, ut Reiffenst. *h. t. n. 15.* vel ob justam sui defensionem servato moderamine inculpatae tutelae, ut Idem & Delb. *l. c.* Vel etiam si superior seu Judice licite emisso de foris telo percuteret existentem in Ecclesia perturbatorem Reipublicae, quem aliter capere non posset, ut Delben. non polluetur Ecclesia, quod autem aliqui volunt per percussione[m] martyris in Ecclesia eam non pollui, sed potius per ejus sanguinem consecrari, id inquam, non placet S. Antonino *p. 3. lit. 12. c. 6. §. 4.* Navarro *man. c. 27. n. 252.* Pirh. *h. t. n. 10.* Avitæ *l. c. du. 1.* Delb. *l. c. n. 37.* & aliis ex ea ratione, quod licet sanguis ille non polluat (unde etiam Tabier. *V. Consecratio. 2. n. 5.* ait, non lavari locum effusi illius sanguinis) polluit tamen ipsa effusio, quia est injuriosa, peccaminosa, imò sacrilega.

Quaest. 965. Qualiter polluantur Ecclesia & cimiterium homicidio.

R Esp. Polluuntur per homicidium voluntarium injuriosum, etsi sanguis non effundatur, sumitur exc. *c. 4. h. t. & can. 19. de consecrat. dist. 1.* factum in Ecclesia, quale quia adhuc censetur factum in Ecclesia, dum in ea lethali illato vulnere ex eo moritur extra Ecclesiam, etiam post plures menses, ut Delb. *l. c. f. 3. n. 4.* cum tota actio injuriosa & per se illativa mortis redundans in irreverentiam loci sacri posita est in loco sacro, is per eam polluitur, secus ac contingit, si accepto extra Ecclesiam lethali vulnere, ad eam confugiens ibidem moritur, ita juxta probabiliorum. Sylv. *V. consecratio. q. 5. cas. 1.* Azor. *p. 2. L. 9. c. 5. q. 1. §. Si quaeras.* Pirh. *h. t. n. 10.* Item juxta probabiliorum, dictaque *quaest. preced.* polluitur per occisionem alicujus in ea ex odio fidei. cum hæc injuriosa occiso, ipse loco sacro. Sylv. Azor. *LL. cit. Jordan. l. c. n. 8.* Wiestn. *h. t. n. 38.* de Lugo *l. c. n. 54.* Delb. *l. c. f. 3. n. 6.* alique ab eo citati. Item occisione rei nocentis sententia judicis condemnati ad mortem, quia executio illius adhuc injuriosa loco sacro; cum sit contra reverentiam ei debitam *c. 2. de immunit. in 6.* Barbof. *de off. & pot. Episc. alleg. 28. n. 25.* Jordan. *l. c. n. 10.* Delb. *l. c. f. 3. n. 6.* Pirh. Reiffenst. *LL. cit.* Wiestn. *h. t. n. 38.* quitamen rectè cum Jordan. negat eam pollui prolatione sententiae facta in Ecclesia, eò quod licet prolatio illa sententiae nulla sit & injuriosa loco sacro juxta *c. de immunit. in 6.* nullo tamen jure expressum sit per eam locum sacrum pollui, uti etiam non polluitur per consilium vel mandato dato in Ecclesia de occidendo. Delb. *l. c. f. 3. n. 3.* Item polluitur dum in defensione sui exceditur moderamen inculpatae tutelae, v. g. defensore occidente suum aggressorem jam exarmatum & fugientem. Sylv. *cit. q. 5. Jord. n. 38.* Wiestn. *n. 36.* Item polluitur, dum qui sui compos ex ira vel desperatione occidit, seu vulnerat lethaliter se ipsum in Ecclesia Delb. *l. c. f. 2. n. 39.* citatis Tabie *V. Consecratio. n. 7.* de Lugo *l. c. n. 54.* Item ex eo, quod ebrius postquam prævidisset se in ebrietate agendum in furorem & periculum occidendi alium, cum ex eo adhuc censetur voluntaria occisio Wiestn. *h. t. n. 35.* Arg. *Clement. si furiosus de homicid.* Idem videtur de homicidio commisso à furioso instigato ad hoc ab alio, cum illud sit voluntarium respectu instigantis, & huic tanquam morali causae imputetur.

Quaest. 966. An & qualiter per effusionem seminis humani polluantur Ecclesia & Cimiterium?

R Esp. Polluuntur ex quacumque seminis profusione voluntaria, illicita facta in iis. *c. unico, h. t. c. 6. de adulterio. Can. Ecclesis. de consecrat. dist. 1.* unde perinde est sive sit foeminae, sive maris, ut Delb. *l. c. f. 4. n. 3.* sive fiat per simplicem fornicationem, sive per adulterium aut copulam sodomiticam, sive etiam absque copula per tactus proprios aut alienos. quin & per actum conjugalem extra casum necessitatis habitum in Ecclesia, eò quod licet is exerceatur alias sine peccato, non tamen citra necessitatem exercetur in Ecclesia sine injuria & irreverentia ei illata Arg. *c. 1. h. t. & c. 2. eod. in 6.* Nav. *in man. c. 27. n. 257.* Barbof. *l. c. n. 47.* Sanch. *de matrim. L. 9. d. 15. n. 7.* citatis plurimis aliis, Pirh. *h. t. n. 12.* Reiffenst. *n. 3.* Wiestn. *42.* secus tamen est: Si conjugales actum conjugalem exercent in ea urgente necessitate, ut dum in Ecclesia tempore belli aliave de causa diu inclusi ambo vel unus illorum patiuntur periculum incontinentiae, seu turpis pollutionis; non enim tunc magis per effusionem seminis factam ad conservandam vitam spiritualem, quam per effusionem sanguinis ad servandam vitam corporalem polluitur Ecclesia. Sylv. *V. debitum conjugale q. 3. n. 5.* Covar. *in 4. decret. p. 2. §. 2. n. 3.* Suar. *cit. d. 81. f. 2.* Azor. *p. 1. L. 10. c. 26. q. 15.* Less. *L. 4. c. 3. d. 12.* Pirh. Wiestn. Reiffenst. *LL. cit.* Delb. *l. c. n. 15.* citatis insuper aliis, qui & addit *n. 7. & 8.* ex Sanch. *l. c. d. 73. n. 9.* sufficere ad hoc, ut non polluetur Ecclesia, si conjuges ibi longo tempore esse cogantur; cum attenda fragilitate humana semper censetur adesse periculum incontinentiae, si non in particulari, id est, hic & nunc in talibus conjugibus, saltem in genere, quod sufficit, ut interveniente copula non polluetur Ecclesia, quia leges accommodantur ad ea, quae frequentius accidunt de cætero non polluit Ecclesiam ex pollutione in somnis contingente, etsi prius data ad illam causa, & quantumcunque prævila, adcoque in causa voluntaria & mortifera, & post illam habita desuper delectatio, docent cum Gl. *in cit. c. Ecclesis V. semine.* communiter recepta Avila *de cens. p. 5. d. 7. du. 1.* Lugo. Delb. *l. c. n. 6.* Reiffenst. Pirh. *LL. cit.* multoque minus polluitur per pollutionem, quam Confessarius invitatus patitur inter audiendum confessiones. neque polluitur, dum effusio seminis non est copiosa, sed unius alteriusve guttae, seu inchoata cum modica distillatione. Pirh. Wiestn. *LL. cit.* Delb. *l. c. n. 3.* citato de Lugo *l. c. n. 55.*

Quaest. 967. An & qualiter polluetur Ecclesia per alia peccata in ea commissa, & specialiter per hoc, quod fuerit consecrata vel benedicta per Episcopum notorie excommunicatum.

R Esp. Ad primum: Ecclesiam pollui spectato jure in casibus in eo non expressis, aut etiam ob delicta quantumcunque atrocia & expressis graviora, utpote ad quae facienda non est extensio, cum ea sit odiosa, negant Sanch. *l. c. n. 25.* Delb. *l. c. f. 13. n. 1.* Wiestn. *h. t. n. 45.* contrarium quidem de delictis in Ecclesia commissis aequè vel magis gravibus tenentibus Host. *in sum. h. t. n. 9.* Piacet. *in pr. Episc. p. 1. c. 5. n. 5.* non in jure, sed fundantibus se in consuetudine, qualem esse aliquarum Ecclesiarum, testatur Abb. *in c. proposuisti. h. t. n. 4.* sic in